



## **E Malesa di Alzheimer**

E malesa di Alzheimer ta e causa mas comun di demencia y ta representa 50% - 60% di casonan cu ta destrui e celnan di e cerebro y e nervionan y ta interumpi e transmisornan cu ta hiba mensahenan den e cerebro, en particular esnan responsabel pa funcionamiento di e memoria. E malesa di Alzheimer a ser describi pa prome biaha pa Alois Alzheimer na anja 1906.

Durante e curso di e malesa di Alzheimer, e celnan nervioso ta muri den regionan specifico di e cerebro. E cerebro ta reduci ya cu lagunan ta desaroya den e asina jama lobulo temporal (na banda di e cerebro) y e 'Hipocampo' (un structura den e parti temporal di e cerebro), cu ta responsabel pa warda y recupera informacionan nobo. Esaki na su turno ta afecta e capacidad di e persona pa corda, papia, pensa y tuma decisionnan. E producion di sierto sustancianan quimico den e cerebro, manera 'acetilcolina' tambe ta ser afecta. Ainda bo ta conoci ta kiko exactamente ta haci cu e celnan nerviosonan aki ta muri, pero si tin hopi apariencia caracteristico di e cerebro despues cu e persona a muri y autopsia wordu haci. En particular, "tangles" y "placas" productonan cu ta consisti di fragmentonan di proteina por ser observa bou di microscopo den e zonanan danja di e cerebro. Esaki ta confirma e diagnostico di e malesa di Alzheimer.

## ***Síntomanan***

Tipicamente, e malesa di Alzheimer ta cuminsa cu lapsonan di memoria, dificultad di haja palabra adecua pa obhetonan di tur dia of cambio di humor. Mas e malesa di Alzheimer ta desaroyando, e persona por:

- Na un forma Rutinariamente, lubida acontecimentonan recien, nomber cara conoci y tambe encontra dificultad di compronde e locual ta wordu bisa.
- Bira confundi den asuntonan di placa of di maneha auto.
- Ta wordu sometí na cambionan di personalidad, y ta parece di no tin atencion pa locual ta pasando rond di nan.
- Ta experiencia cambionan di humor y por yora sin rason aparente, of ta convenci cu un hende ta trata di haciele danjo.  
Den casonan cu e demencia ta mas avansa e persona tambe por:
- Desaroya un comportamiento inkieto, por ehempel lanta madruga of wandro/ dwal y perde.

- Ta perde su inhibicionan y e sentido di un comportamiento adecua, ta kita sunu den publico of haci insinuacionan sexual y inapropia.

### ***Demensia vascular***

Demensia vascular ta representa aproximadamente 20% di tur e casonan dentro di e grupo di demensianan.

Malesanan vascular ta tuma luga ora e adernan chikito di sanger ta disfunciona y e suministro di oxígeno den esakinan forma peliger. Den e caso cu e suministro di oxígeno den e cerebro y su celnan core e peligernan aki e chens ta grandi cu e celnan aki lo muri y condusi na un serie di derramenan cerebral chikito (infarctonan) y condusi na Demensia vascular.

E deramenan cerebral chikito aki cu ta causa demensia vascular tin biaha tambe por ta asina leve cu nan no ta causa síntomanan inmediato pero tin biaha si por causa cu e persona por bira confuso pa un temporada cortico.

Sin embargo, cada golpi ta destrui un area chikito di celnan den e cerebro dor cu esaki ta corta e suministro di sanger y e efecto acumulativo di un serie di derramen cerebral chikito hopi biaha ta suficiente motibo pa causa Demensia vascular.

Demensia vascular y di Alzheimer frecuentemente ta tuma luga pareuw y hasta tin biaha ta actua hunto den combinacion pa causa Demensia.

### **Síntomanan**

Decaida mental probablemente tin un comienso fiho y e sintomanan tin un tendencia di sigi un sierto trayecto despues di cada atake; loke ta sugeri cu atakenan chikito a tuma luga.

E sintomanan tambe por ensera depression severo, cambionan di beis of mal humor y tambe epilepsia.

Algun area di e cerebro tambe por ta mas afecta cu otro. Consecuentemente, algun abilidadnan mental tog por keda relativamente bon.

### ***Demensia cu Lewy Bodies***

Demensia cu Lewy Bodies ta e tercer causa mas comun di demensia y ta consisti di mas o menos 20% di e casonan confirma pa autopsia.

Demensia cu Lewy Bodies ta similar na e enfermedad di Alzheimer den e sentido cu esaki ta ser causa pa degeneracion y morto di nervionan den e cerebro.

“Lewy Bodies” ta un agrupacion abnormal di proteina cu ta desaroja den e nervionan di e cerebro. E nomber Lewy ta bini di Friedrich Heinrich Lewy cu a descubri e Lewy bodies nan aki den e anja 1912.

E mitar (50%) of mas di e personanan cu e malesa di Lewy Bodies tambe ta desaroya sintomanan di e malesa di Parkinson.

E persona cu e malesa di Lewy bodies sa ta hopi sensibel pa tranquilizers; miho conosi como antipsicoticos of neurolépticos y e uso di esakinan mester wordu evita si ta possibel.

Demensia cu Lewy Bodies ta afecta:

- Concentracion y atencion
- Memoria
- Lenguaje
- Capacidad pa calcula distancia
- Capacidad di rasona / pensa

E persona cu e malesa di Lewy Bodies por experiencia alucinacion visual.

**Pa mas information:**

- [The Lewy Body Society](#) - a UK charity
- [Lewy-net](#) - a site providing information on dementia with Lewy bodies
- [Alzheimer's Society factsheet](#) on dementia with Lewy bodies

### ***Demensia fronto-temporal (incluso e malesa di Pick)***

Demensia fronto-temporal ta un tipo di demensia cu relativamente no ta presenta su mes hopi y cu por lo general ta desaroya na un edad mas hoben compara cu M.A. y ta afecta por lo general personanan di mas o menos 40 pa 50 anja.

Especialmente e parti dilanti di e cerebro (lobulo frontal) ta e sitio cu ta afecta den e prome etapa di e malesa.

E demensia di e lobulo frontal ta mas o menos similar na e malesa di Alzheimer den e sentido cu e ta causa un decaida progresivo di e abilidadnan mental serca e persona atraves di anjanan. Danjonan na celnan di e cerebro ta mas localisabel (nan ta mas serca di otro) cu den e caso di e M.A. (caminda e celnan ta mas leuw for di otro).

Demensia fronto-temporal ta cuminsa normalmente den e lobulo frontal di e cerebro.

**Síntoma:**

- E lobulo frontal ta regula e estado di animo y e comportamiento.
- E estado di animo y e comportamiento di e persona por bira rigido y dificil pa cambia; esaki ta hasi cu e persona aki por resulta pa su alrededor como un persona egoista y sin sentimiento / hevoel.
- E persona cu demensia fronto-temporal no tin e lapsonan repentino di memoria cu ta caracteristico pa e M.A..

**Pa mas información:**

[Alzheimer's Society factsheet on fronto-temporal dementia](#)

***Demensia relaciona cu uso di alcohol y e Síndrome di Korsakoff***

Personanan cu ta custumbra di bebe demasiado alcohol ta parse di ta core riesgo pa desaroya problema cu memoria. Algun di e personanan aki tin un problema específico di e memoria a corto plazo cu ta conosi como e Síndrome di Korsakoff. Su desaroyo ta debi na deficiencia di vitamina B1. Otronan ta desaroya un serie mas amplio di problemanan cu ta parse M.A..

**Pa mas informacion:**

[Alzheimer's Society factsheet on Korsakoff's syndrome](#)

***Demensia Relaciona cu AIDS / SIDA***

E virus HIV cu ta causa AIDS of SIDA, por ta un di e causanan di demensia.

Ta conosi cu e virus aki a ser localisa den e cerebro di personanan cu HIV e di dos dia despues cu nan a ser iinfecta inicialmente.

E malesa aki ta ser jama AIDS-dementia complex (ADC)

**Pa mas informacion**

- [AIDS Dementia Complex at AEGIS](#)
- [Alzheimer's Society factsheet on Aids-related cognitive impairment](#)